

望後吉旦

南城內三清觀鐘款

嘉靖十四年歲次乙卯吉

東門外東山寺二鼎款

弘治甲寅年造

北帝樓鐘款

賜進士同出身文林郎知合浦縣事漳浦劉行義鼎造

皇明萬歷四十一年歲次癸丑仲冬甲子上澣之吉

西城外天妃廟鐘款

萬歷四十七年歲次己未孟春吉旦 廉州府學生員羅元英

三元閣鐘款

海北道中軍守備葉正芳等 崇禎十六年孟冬月吉旦

東門外生生閣鐘款

萬歷十年造

東門外東嶽鐘款

萬歷三十一年造

府城隍廟鐘款

萬歷四十七年孟春吉旦

北山菴鐘款

崇禎丁丑年七月二十四日

按鐘原屬藍園社今移北山菴

北帝樓鼎款

崇禎庚辰年吉

三元閣鼎款

崇禎年造

右採錄府志

今考福旺墟護民廟藏銅鼓一平面直徑二尺零三分頸圓周六尺腰圓周五尺五寸底圓周六尺二寸八分腰左右共四耳擊以鐵鍊鼓身高一尺二寸鼓面花紋下五層爲銳工角形者二層爲古錢形者六層爲織篋形者一層爲四瓣花形者一層爲蟬腹形者二層爲方器畫飾形者三層鼓身花紋相類皆精工細密沿邊躡蝦蟆六其三爲單蝦蟆其四爲雙蝦蟆大小相負重者二百勛有奇故老相傳自泗洲山麓掘得出土在道光年前

光緒四五年間白龍城南門外二里許有土阜俗稱煙墩嶺漁人從墩脚海沙內挖出銅鼓五形狀花紋如前述其最大者一送入白龍三清廟一驚入城南李氏安園一驚入瓊屯王宅其較小者一驚入城南李氏平園一驚乾體藏天后宮

府志云銅鼓之製不一其精者正圓而平其面曲其腹狀若烘籃又類宣座面有五蟾分據其上蟾皆累躡一大一小相負也其圓紋爲古錢其方紋如織篋或爲人形或如拱壁或如浮屠如玉林或斜如豕牙如鹿耳各以環成套合其衆紋大類如

書圓陣之形工巧微密大者闊七尺小者三尺周去非嶺外代答言之甚詳其製亦不知昉自何時相傳馬伏波征蠻時製以
擊寇寇聞鼓聲疑有伏軌避之然漢書稱馬援好騎善別名馬於交趾得駱越銅鼓鑄爲馬式上之詔買宣德殿門據此則銅
鼓之製在伏波之前已有之又西清古鑑記內府藏漢銅鼓十四謂之諸葛鼓蓋武侯渡瀘後所鑄大抵在兩川者稱諸葛鼓
在兩粵者稱伏波將軍鼓要皆前代蠻蠻自鑄爲賽神之用盛萬年詩夜雨叢祠賽銅鼓指此裴氏廣州記云獮獠鑄錢爲鼓
以高大爲貴初成懸於庭置酒招同類來者盈門富豪子女以金銀爲大釵執以扣鼓扣竟留遺主人予向官粵西屢見之士
大夫珍爲玩好今廣州所見亦相同皆斑駁陸離古色詢之諸峒長皆云父老相傳千百年來無有能鑄之者惟僉稱漢
銅鼓云

麻姑碑

有唐撫州南城縣麻姑山仙壇記 顏真卿撰並書 文四款

嘉慶八年冬十月朔台酒壺符清仲節南墓 文四款

按石刻藏附城岑宅

其文曰麻姑者葛稚川神仙傳云王遠率方平欲東之括蒼山過吳蔡經家教其尸解如也（虫旁）蟬也經去十餘年忽還語定
言七月七日王君當來過到期日方平乘羽車駕五龍各異色旌旗導從威儀赫奕如大將也既至坐須臾引見經父兄因遣人
與麻姑相聞亦莫知麻姑是何神也言王方平敬親久不行民間今奉在此想麻姑能變來有頃信還但聞其語不見所使人曰
麻姑再拜不見忽已五百餘年尊卑有序修敬無階思念久煩信承在彼登山顛倒而先被記當按行蓬萊今便變往如是便還
卽親觀願不卽去如此兩時間麻姑來時不先聞人馬聲既至從官當半於方平也麻姑至蔡經亦奉家見之是好女子年十八
九許頂中作髻餘髮垂之至要其衣有文章而非錦綺光彩耀日不可名罕皆世所無有也得見方二平二爲起立坐定各進行

廚金盤玉杯無限美膳多是詩華而香氣達於內外披麟脯行之麻姑自言接待以來見東海三爲桑田向問蓬萊水乃淺於往
者會時略半也豈將復還爲陸陵乎方平笑曰聖人皆言海中行復揚塵也麻姑欲見蔡經母及婦經弟婦新產數十日麻姑望
見之已知曰噫且止勿前卽求少許未便以擲之墮地卽成丹沙方平笑曰姑故年少吾子不喜復作此曹豨猶變化也麻姑手
似鳥爪蔡經心中念言背羊一虫旁時得此爪以把背乃佳也方平已知經心中念言卽使人牽經鞭之曰麻姑者神人汝何忽
謂其爪可只把背耶見鞭著經背亦不見有人持鞭者方平告經曰吾鞭不可妄得也大歷三年真卿夾刀旁一撫州按圖經南
城縣有麻姑山頂有古壇相傳云麻姑在此得道壇東南有池中有紅蓮近忽變碧今又白矣池北下墻傍有杉松皆蓋時聞
步虛鐘磬之音東南有瀑布淙下三百餘尺東北有石崇觀馬石中猶有螺蚌殼或以爲桑田所變西北有麻源謝靈運詩題入
華子岡是源第三谷恐其處也源口有神祈雨輒應開元中道士鄧紫陽於此習道蒙召入大壇殿修功德二十七年忽見虎
駕龍車二人執節於庭中顧謂其友竹務猷曰此迎我也可爲吾奏願欲歸葬本山仍請立廟於同側玄宗從之天寶五載投
龍於瀑布石池中有黃龍見玄宗感焉乃命增修仙宇真儀侍從雲鶴之類於戲自麻姑發迹于茲嶺南真遺壇于龜源花
姑表異于井山今女道士黎瓊仙年八十面容色益少曾妙行夢瓊仙而食花絕粒紫陽姪男曰德誠繼修香火弟子譚仙巖法
錄尊嚴而史玄洞左通玄鄒鬱華皆清虛服道非夫地氣殊異江山炳靈則曷由慕懿流光若斯之盛者矣真卿幸承餘烈敢刻
金石而志之時則六年夏四月也

名勝志

古蹟 第宅

園林 祠墓

自舉名山勝境先哲遺蹟最足動人遊觀激人志氣吾邑僻左尚少高山大川園花木園林亦少引人入勝惟府志所載猶可指數未可以名蹟無多聽其湮沒也志名勝

古蹟

府志載台浦故城龍蘇等十四廢縣故址各官廳十二廢署故址今改列建置

澄波樓在城南七里

鳴陽樓舊在城內即鐘鼓樓

海角亭舊在府治西南半里明成化中僉事林錦移建城西嘉靖間僉事翁溥移於府治西南隆慶中遷於康江西舊有萬里瞻

天四字石刻為蘇東坡真蹟歷任守令遍訪弗得道光三十年高唐道彭舒萼摹刻懸之今亦佚

還珠亭漢太守孟嘗有善政合浦珠還人思其遺愛為作亭以表之舊址在城東北

瑞芝亭在府學宮池旁明正德六年沈綸守慶泮池產芝嘉靖二十四年知府胡鼈為綸建亭今圯

愛民亭在城西門橋側為明知府沈綸建今圯

惠民亭在石康古城為明知府張岳建

憩亭在城西門外明知府陳健建今圯

仰止亭在西江城公祠內明僉事紀國瓚建

清樂軒宋元符二年蘇軾自儋州至慶嘗寓此按王宗稷東坡年譜可題奉少游書云庚辰八月二十四日書於台浦清樂軒今

遺跡無考

東坡亭在府署縣東北清乾隆四十一年知府康基田重建東清樂軒西長春亭

東山寺在縣東北卽南越昌符間所建靈覺寺故址久圯明萬曆二十九年府同知涂魏重修
淨行院在興廉村今圯宋蘇軾南誦宿此

闕元宮見九域志又圖經云咸平元年賜太宗皇帝御書收藏 輿地紀勝

白鶴觀在縣義勇場內同上

元妙觀在府治南城內

甘泉井在府署儀門左知府陳淮題曰廉泉

吸露井在試院左

東坡井在遊擊署前相傳東坡所鑿其水味甘質重

方井在府治南十里乾體其水清冽質較重於他井

銀錠井在石康馬欄墟前地生古木一截中窪約深尺許間如斗四圍擁石泉從木竅出清冽異常冬夏任汲不竭清乾隆四十一年知府康基田搜出

雙月池在府署後萬靈寺西偏寬約一丈深三四尺平身正立窺之有雙月影今爲民居築牆所掩
龍村合浦有人得夜光珠吞之遂不食數數喜入水未幾生鱗鬣化龍去今龍村是也

仙人橋在府治東八十五里新泰堡之前溪中一石突起儼如巨洲長四丈闊半之上有巨人跡南有石人夾峙又一石橋駕之
溪橋頭有石佛石盤俗傳仙人撐石船引大廉山小洋北通石康是夜至此聞鷄鳴乃止又名石鷄橋或出後人附會

鐘灣在縣北七里

右採錄府志

糠頭山在縣西北百二十里尉佗駐軍處居人春穀種糠成山山若鳴則風颯至見寰宇記

百良山在縣東輿地紀勝云山自北州來林水深廣工匠求良材百不失一

珠市墟城西曹魚街橋畔盛平時蚌殼堆積有如玉阜土人多以珠肉餉客雜薑蕪食之味甘美語曰生長海隅食珠衣珠

廣新

青牛城即越州故城元和郡縣志云陳伯紹所理郡國志伯紹平夷至合浦見三青牛圍之不獲即於其處置城號青牛城

砥柱亭附近海角亭有砥柱亭舊為海潮澎湃今海門書院後有古石屹立即其亭址也

廉陽古洞在冠頭嶺之西麓亦名王龍巖逼臨大海潮汐澎湃撼石如雷洞中因石琢佛像鑿巖構竇應天然剝地其旁有石穴

探之愈深愈狹必偃僕入捫其壁油然如脂間有於其中得石鍾乳者是嶺相傳有交趾黎王墓交趾人每年望海祭之云

愛園古榕愛園在府署後有榕一株蓋數百年物也枝幹互出上下成連理厥狀頗奇

右新輯

園林

龍氏花園在城西黎屋坡為消歲貢祀德宣所開徧植花卉頗擅幽雅諸文士恆遊宴於此題詠成帙名花隱唱和集今園廢

平園在城南平田村清李觀審懷本所築花草亭池頗覺經營布置幽雅具有別裁中分八景曰梅花雪霽曰山亭夕照曰柳隄

烟繞曰桃溪新漲曰雲谷春深曰松柏院午風曰平池秋月曰荷塘澄涼風景佳勝為士大夫所遊賞

右新輯

第宅

李京尹故宅在郡城北北河

劉進士故宅在郡城南鍾屋灣

裴參議故宅在郡城西八十里西場

韓珠故宅在郡城北四十五里石康

李振底宅在郡城南平田村

右新輯

祠墓

前建置禮俗所列祠宇祇敘營建修築及載在祀典者為限本目所列係就有名人物足資憑弔者為限並以相類之墓附入之

孟公祠祀漢太守孟嘗前無攷嘉慶二十五年知府何天衢復建於三清觀東

張襄惠祠祀明知府張岳在崇文館後今圯

伏波祠舊在城內漢伏波將軍馬援征交趾過此土人廟祀之今廢

陳王祠陳王名伯紹陳武帝霸先同宗武帝受禪後封王爵按伯紹先為劉宋越州刺史康郡向為蠻俚之鄉當草昧初伯紹

有開闢功故祀之

董公祠在門外祀明副使董肇應

郭公祠祀明知府郭廷良

游公祠祀明知府游日章

馮公祠 明知府馮盛典

戴公祠 祀明謫官戴士衡

胡公祠 祀明知縣胡可成 在石康塔下 省志增

沈公祠 府城內祀明知府沈綸

七賢太守祠 府城東偏

元推官吳禮有七賢太守祠記云列位奉祀曰孟曰謝曰蘇曰顏曰丁曰高曰季皆前代太守德施於民者載文徵三

孝子祠 在海岸鄉梁村祀明孝子鄭誥 明嘉靖十七年知府張岳建岳作祠記載文徵二

費公祠 公館汎牌坊坡祀漢太守費貽道 光元年知府何天衢率閩邑生員彭漢元監生葉潤芳等倡捐創建

右採錄府志

於公祠 在府城內祀清知府沈葆頤

音公祠 在府城內祀清知府音德賀

事詳不圖文集
音公遺愛碑

何孝子祠 在府城內祀清孝子何文秀

光緒四年知
縣謝鍾澄建

右新輯

劉宋交州刺史陳伯紹妻墓 在城東北二十里

通志作城東
一百三十里

夫人山 石康縣蹟山即伯紹殯妻處

宋欽州推官李英墓 在祿村 廢有比部堡相傳即英招魂葬處 舊有祠今無考

事詳平圖文集
碑在墓前

明山西右參政韓珠墓 在舊石康縣黃姜嶺下

明御史沈福墓在永安海崖鄉大人灣

明孝子施敦墓在永安城東二里北官城

明孝子李淨本墓在平陸鄉五峯山

明福建左參議裴衷墓在大峒金雞嶺

靈山縣志
作長塘嶺

明雲南府知府福建副使道鍾振墓在東山村距府治二里

明贈中憲大夫戶部郎中鍾文墓在城西南八里官埔村

明贈中憲大夫戶部郎中鍾芳遠墓在城西南沙街尾

明李貞女墓在府治西四十五里大山村

清奉政大夫直隸開州知州李符清墓在府治西北丹竹江鳳凰嶺距城八十里

右採錄府志

鄭太監墳在府城東南八十里白龍城內

包太學墓在府城內府署愛園

林貞女墓墓二均在府城南六里三界廟右

右新輯